

議政金昌集因雷異上辭劄賜優批○庚戌西方有氣如火光○以黃一夏為

承旨申思詰為獻納趙尚綱為說書○辛亥金星入太微垣左掖門內○左議

政金昌集上劄以父母墳山失火延燒墳塋僅免乞即出去掃除許之命給馬

奠需○判府事李會上辭劄辭家舍擇給及柴炭輸送之命上優批不許○壬子月犯牛宿

第二星○濟州大靜旌義大風雨掀海撼岳折木拔屋人家顛壓多至二千餘

戶人物亦多壓死牛馬致斃四百餘匹命壓死人恤典舉行而一島被灾此酷

待牧使巡審狀聞劄即移粟以為濟活之地○判府事李濡縣道陳辭疏命偕

來史官諭以一被誣詆輒皆退歸則必至於朝廷空虛而能為國乎亟回退心

即日入城○癸丑判府事崔錫鼎上辭疏乞寢召命掇還史官上答以頃年

藥院事卿之本情豈出不謹哉予既以不曾留在為教則今無不安之事仍命

即日入城使偕來史官諭之○甲寅流星出危星下入西方○退行六月都目

政以李彥綱為左叅贊特陞尹趾仁為判尹權愔為大司諫李緯為大司成柳

泰明為承旨黃龜河為校理申思詰為副修撰尹鳳朝為副校理旋移獻納趙

尚綱為司書南世珍為掌令安重弼為持平○全羅監司柳鳳輝上疏辭仍任

因陳本道尤甚邑先貸營儲錢布料理聚穀而此外諸邑不可遍及還上今年